

薛家族譜

楓亭下橋第四世孫次 薛明志



僊楓谿薛氏族譜序

古者因生賜姓胙之土而命之氏故有以生以官以國邑者薛之得姓也從乎國也考其先爲

皇祖奚仲之後

仲生吉光建侯于氏因以爲氏宗夫蕃盛幾遍宇內焉而其在閩中者則首見長溪之薛

令之余嘗讀唐書所載

令之遺事未嘗不嘆其高風勁節足以振勵貪頑令之初爲東宮侍讀久次不遷題詩見志因謝病步寸而歸明皇後聞其貧命有司資其歲賦令之量受不肯多取

肅宗即位以舊德召而

令之已逝因勅其鄉曰蕪村水曰蕪溪儻使

令之阿附權臣如楊國忠高力士輩足以躡致通顯
亦何至久屈官僚仰明月而嘆首蒼哉自是而後代
有聞達或居晉安或徙興郡其在興之楓街袍笏稠
疊尤以丰采忠節相尚如

利和之力沮茶法

元鼎之綜核貢籍

季子良之不增鹽筴皆有裨益於時而

奕公以魏科首擢卒殉銀川之難其子 安靖殺賊

來歸留心王室載在郡乘班班可考明興以來英賢
輦出項背相望君子以是知

令之之清白有以貽之也夫澤遠者其流必長德豐

者其後必大今薛之子孫誦絃弗絕衣冠濟楚其翩
翩鵲起者方且躋王謝而跨崔盧然子姓繁衍不有
族譜以紀之則苗裔不識其高曾一本自同於秦越
其何以繩祖武而求世德聯同氣而篤懿親耶茲薛
君 子幹偕其令阮 爾煜念兵燹之後舊牒散失
慨然力爲纂脩而乞一言于余以永之余聞之肅然
起敬曰家之有譜猶國之有史也國史不脩賢大夫
之責家譜不脩子若孫之責今之責其在二君矣二
君有志於敦本睦族故不憚合其本支釐其系次循
流溯源訂遐詳邇俾後之披圖者自知其爲廉吏之
裔爲忠孝之遺相與似續而光大之則是譜之脩大
有造於來茲豈別親疎序昭穆已哉爰重其請而爲
直

之序以見二君之功高而志苦也

大清康熙拾陸年歲次戊午梅月穀旦

賜進士出身觀吏部政年家眷弟朱翰春頓首拜撰





楓谿薛氏譜牒總序

我里結楓爲亭肇自漢世其時氏族遠不可稽逮唐垂拱楓屬新邑咸通以後迄宋慶曆居斯地者貴家名族科第之多至一姓數十人或十數人小亦五六人見諸狀元

蒙亨螺江風物之賦脩矣元明之季舊姓猶有存者其在於今薛爲最盛兵燹播遷譜牒散失賢胤

爾煜欲其從兄

偕

爾展求諸溫陵之宗會有不然先靈

入夢乃廣集衆思彙成新帙自入閩始凡忠孝廉節

理學科名皆書焉所稱太子補闕

令之公則太祖也鎮遏都揮使

庭輝公武節大夫忠獻

安靖公則烈宗也考之鄉賢河東伯金紫光祿大夫
利和公直秘閣學士

元鼎公則從祀矣而

奕公則以忠臣祀

鸞公則以孝子祀並燦然畢舉雖固始南來所遷

所生不一未爲楓產然世系相承著代井井此如關

里之遡殷宋槐堂之稱江左不可淆也夫單素崛起

貴於自樹則標不必魯青不必梁是矣乃若貴盛之

族揚推先烈義在宗本桓氏之祀禰不祀宗寄奴之

號宋不號漢君子譏之薛之在楓荔枝有狀元之名

非同楊梅家巢河東有鸞鸞之號亦異北海家禽

爾煜之惓惓舊譜恨不得畢願於載公之庭仁孝之

思誠不能自己也來生也晚安知古事惟是一荔三
姓久附戚末幼入
毅初先生之塾長登

懷如先生之堂懋宰諸君夙同盟社右展羣季早出
偕遊謹以七十載之見知脩三百年之傳信亦云楓
人談楓事以所見徵所聞爾朝請館甥其後浸大薛
之育林如嫺之育姜楓中父老皆能言之嘗試總吾
楓近世而計之薛之爲大家稱首正不煩遠舉也楓
縣大尹六薛居二楓司農卿七薛居二楓別駕二薛
居一楓科第十有三薛居四其他明經博學鎮弁部
元無不各脩其選烟火以千子衿以百雖烏衣之巷
鄒魯之邦不過於此而郡守冠司馬之僚恩恤聯鄉

院之秩尚書同耆樂之社少叅共志乘之脩尤其灼
灼著名即今堂燕巢木雕甍雲第已蕩爲瓦礫荆榛
矣而沙坂寒汀之餘薛氏一宗且碁布鼎立守此勿
去指其鎖鑰中流洪太平而薛雙鳳天王佛土陳功
德而薛檀那猶令人依稀想見故家喬木存一二於
什百之中則薛之在我里宗風特邁斯不已諒乎哉
若夫

皇祖奚仲爲夏車正商列左相周厲先封棲船著直於
漢瀛洲接踵於唐氏族之學貫穿明脩此天下之薛
之所同來不敢贅來所稱者自居楓始

大清歲進士荔林七十叟門表晚姪鄭得來頓首拜撰





族譜畧序

族何爲而有譜乎譜其所自出令先人之衣冠墳墓

奕葉雲初得以承襲而相傳不替也而我祖自

鋪公遷楓之霞橋其宅兆已先失所在况由元而宋
相距三百年而遙乎然

利和 元鼎二公祖孫相繼從祀僊邑明理學

未軒黃公脩郡誌時有贊可據其自莆而僊無疑忠

臣 奕公 利和公胞姪也僊莆鄉賢皆有名而墓

又隸莆至今莆郡守猶遣官往祭意遭時變遷不常

厥居名賢托跡到處流芳卜兆者或就先時近附祖

居以安厝莆即引爲已有而要與孝子

鸞公均爲楓之世祖縣誌所稱楓亭薛氏是也不久

又復歸莆至元中葉

鏞公始再遷楓而譜牒失守竟昧年月此自子孫罪耳於前人乎何尤然則今雖欲不重加釐定而坐聽其支分派列後之奉祭祀者止據其父祖歲時所稱呼迺相沿襲一至變遷則並其墳墓忌辰祖孫行次而俱失之矣噫一代無稽二代無考此雖笑談良可龜鑒而況子姓既繁賢愚異等某也功某也過某或始強而終衰某或前微而後盛倘開卷而無遺亦反躬而知省昭穆世次於是寓焉譜其安可少乎哉如近年之中元爭祭踰歲始克端正其明鑒也今族之弟兄爾溫選等懲已往以戒將來因謀所以共襄其事者予自維識淺才疎前族兄爾煜有譜而既失後


進士當脩而無傳然不敢辭者正爲遷楓來繞四閭
代而東面列五房西面兄弟五侄亦列分五房孝友
雍睦衣冠蔚起至明季而上關下關地不半里而丁
已千餘清初猶故迨後葉相國下遷界之令曹經歷
索暮夜之金怒不遂意混作頑民回覆督撫姚不記
成言限時立遷一切家資俱付灰燼而數年之龍荔
等樹和根砍伐無餘矣自是而後流離四散以家燬
產亡之日當珠薪玉粒之秋貧病無所全家瘟歿雖
覆宗絕祀不爲無因而存亡繼絕正仁人孝子所宜
代爲加意也今是譜之設固欲爲有後者序千秋之
瓜綿尤欲爲故絕者維百世之血食總不令桃僵李
代柰厥前規而得失間列亦摠以事閭家廟爲實錄

云

肯

大清乾隆貳拾壹年歲次丙子荔月穀旦

裔孫經頤首纂脩






譜牒小引

我族自遷楓來傳有譜牒久矣明季倭亂隨遭寇焚
清初族房長暨伯叔祖之在庠者祇緝書族中約規
數條交付長房收藏而已至康熙三十年間兄
爾展自外回始偕 爾煜倡脩族譜 爾展以明季
之人才學強記間披其舊本已殘缺失詳而微雜以
附會矣乃閱時未及十年而訪其子孫則並前所傳
者而俱失之噫譜牒散亡伊誰之咎失今不脩則代
傳而後不如蘓氏所謂分而至于路人者幾何況養
子爭祭曾見經兩見設日久月長了不復別其爲祖
宗之罪人可勝紀哉今年春族兄 爾選惓惓催迫
曰予年八十餘矣若苟安一時或可自便若慮及後

世刻寔難寬予感其意甚懇且善第念聞見淺鮮恐
 難爲役而任匪異人又無可諉爰偕族兄爾薰共
 相商議就各房神主中尋其世次遇有缺者間附以
 確所知見否亦付之莫何十指呵凍列成卷帙後之
 覽者庶其瞭然夫其源既澄其流自清而我子若孫
 雖更數百世而馨香依然不替固非特爲一時之計
 也爰書以附之譜端

大清乾隆貳拾壹年歲次丙子桂月穀旦

裔孫鴻基頓首拜書





大宗祠有功配饗祿位芳名事實

西面長房瑞昭公諱瑩號默軒

萬四公長子也冠帶生員以文學著名與尚書

鄭諱紀中表少叅

陳諱遷結耆樂社賦詩娛老有功宗廟春秋配

饗生於洪熙乙丑年正月十五日寅時卒於正

德丁卯年十二月初三日時壽八十三配功

建里合塋本里烏石山

東面長房文徵公諱奎號松岩行肅一

荔庭公長子其生平樂善好施鄉里尊爲長者

又謙恭溫雅縉紳諸先生皆樂與之遊其行實

詳在本傳此不贅族人以功建祠置租功在百

世請春秋配享焉

東面三房文源公諱淮號棋娛

荔庭公三子也冠帶廩生凡祖祠中禮器禮文皆公手定者寔薛姓之文獻也公臨歿有句不榮不辱談笑見先人無媿知生知死從容就正寢何安可想見其為人矣請春秋配享焉

東面五房西軒公

樸齋公長子也其行實因世亂播遷子孫失紀但配享如故

西面二房師雍公諱離明號春谷

清簡公之子也因祖祠前被倭寇破壞竭力重修族人追念其勲特舉配享以報焉